

Naligiissitaanermut Allaffimmut AC-Fuldmægtigimik (Erninermut atatillugu sulinngiffeqartussamut taartaaneq)

Naligiissitaanermut tunngasunik piginnaasaqarluartumik, paasisimasaqarluartumillu Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfik erninermut atatillugu sulinngiffeqartussamut taartissarsiorpoq Oktobarip aallaqqaataanit imaluunniit isumaqatigiissuteqarnikkut, 2027-mi marsip qaammataa ilanngullugu erninermut atatillugu sulinngiffeqartussamut taartaasussamik Naligiissitaanermut Allaffik AC-fuldmægtigissarsiorpoq.

Inunnik sullissineq, paasisimasanillu piusunik allanngueqataanissaq aamma allannguinnissamut tunngavisseeqataanissaq nuannaraajuk? Naligiissitaanermik suliaqarneq ilinnut kajumissaataava, naligiissitaanermullu tunngasut oqallinnermi salliutinneqarnissaannut peqataarusuppit? Taamaassimappat Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfimmi Naligiissitaanermut allaffimmi erninermut atatillugu sulinngiffeqartussamut immaga illit taartaasussaraatsigit.

Atorfik pillugu

Inuiaqatigiinni aqqissuussaananermut tunngasunut, naligiissitsiniarnermilu unammillernartunut paasisimasalimmik Naligiissitaanermut Allaffik AC-fuldmægtigissarsiorpoq. Siuliani anguniakkat, periusissiatigullu pingaarnersiorneqarlutik suliniutit nassuiaarneqartut aallaavigalugit nunami naligiissitaanerup – siunissami qaninnerusumi aamma ungasinnerusumi – pitsaanerulersinneqarnissaanut tapertaassallutik suliat nangillugit suliarisussaassavatit. Pisortatigoortumik sinaakkutaaneruset patsisaallutik unammillernartut, aammali ulluinnarni inuunermt tunngasut ukkatarissavatit. Naligiissitaaneq siuarsassallugu annertuumik suliaarput. Tamanna pillugu naligiissitaanermut suliniutit naalakkersuisoqarfiit akimorlugit ataqatigiissaassallugit, kisitsisitigut paasissutissat aqutissiuutissallugit, aalajangiinnissamilu tunngavissiorneq pingaaruteqarpoq.

Annikitsortat tamakkiisutut isigisinnaassavatit, aaqqiissutissanullu tapertaallutit. Positiviguit, allannguiniarnernillu annertusaasinnaaguit aallaavissaqarluarputit. Taakkua saniatigut suliniutinik aqutsineq nuannarisuuat, akimortumillu suleqatigiinnermi pitsaaqutit takusinnaallugit.

Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfiup ataani Naligiissitaanermut Allaffimmi suleqataassaait. Naligiissitaanermut Allaffimmi AC-fuldmægtigi aamma allaffimmi pisortaq, qaninnertut aqutsisuusoq sulisuupput. Allaffik angissutsimigut anginngilaq, anguniagartuujullunili. Suliaasarissavatit,

- suliniutit pillugit akimortumik suleqatigiinni, suleqatigiissutinilu allani aamma ilisimasanik avitseqatigiinnermut atatillugu suleqataaneq
- ilisimasanik aamma kisitsisitigut paasissutissanik ujartuineq, katersineq, suliarinninnerlu kiisalu misissueqqissaarnerit oqaasertalissallugit
- Naalakkersuisup oqalugiaatissaannut tapersiineq, isummernissamullu tunngavissiorneq
- Naalakkersuisoqarfiup saqqummersitaannut allanut naligiissitaanermut tunngasunut isummanut, ilassutinillu tapersiineq
- naligiissitaanermut attuumassuteqartunut tunngatillugu attaveqarniarnermi suliniutit toqqakkat pilersaarusiornerinut, ingerlanneqarnerinullu tapersiineq
- nunanut avannarlernut tunngatillugu sammisanut, pisussaaffinnullu peqataaneq
- politikikkut sulianik suliaqarneq, matumani tusarniaanerit aamma § 37 naapertorlugu

apeqqutit ilanngullugit

•pisariaqartitsineq naapertorlugu naalakkersuisoqarfiup suliassaannut allanut peqataaneq Siuliani taakkartukkat suliassarisinnaavatit, suliassanili piginnaasatit allaffimmi pisariaqartitanut ataqatigiissillugit aamma apeqqutaapput.

Naatsorsuutigaarput

- Naleqquttumik ingerlariaqqiffiusumik ilinniakkamik naammassinnissimassasutit
- Naligiissitaanermut tunngasunut aamma tamanut naligiissitsinissap qulakkeernissaanut soqutiginnittutit, ilisimasaqartutillu
- Akimortumik suleqatigiinneq misilittagaqarfigigit, nuannaralugulu
- Suleqatigiilluarnissamut, suliffimmilu pitsaasumik avatangiiseqarnissaq pingaartikkit, taakkununggalu tapertaasutit
- Angusaqarnissaq ukkataralugu akisussaassuseqartutit, iliuuseqarusussuseqartutit, namminersorlutillu sulisinnaasutit
- Aaqqissuussaasumik suleriaaseqartutit, eqiasuitsuusutit, uummaarissuusutit, pimoorussisuusutit, ineriartortitsinissamillu ukkataqartutit
- Aaqqissuussaasumik, misissueqqissaartumillu eqqarsarsinnaasutit, killissallu pinnagit periarfissat ukkatarigitit
- Nalinginnaasumik suliat, suliallu ataqatigiinnerusut suliarsinnaallugillu tamat isiginnissuseqarsinnaasutit
- Suleqateqarsinnaasutit, inuillu tunuliaqutaat apeqqutaatinngu inussiarnersuusutit, kiinnerartuullutillu
- Politikkikkut aqutami sulineramik misilittagaqartutit
- Allattariarsornikkut aamma oqaluinnarnikkut kalaallisut aamma qallunaatut, ajornanngippallu tuluttut attaveqarluarsinnaasutit, ingerlatitseqqiisinnaasutillu
- Kalaallit kulturiannut, kalaallilu inuiaqatigiivinut tunngasunik ilisimasaqartutit

Killuanik neqeroorutigaagut

- Naligiissitaanermut tunngatillugu nunami ineriartortitsinermut sunniuteqassallutit atorfik
- Pingaarnertut anguniagaqarnerup iluani annertuumik sunniuteqarneq
- Suliassanik paasisimasaqarneq, pikkorissuseq, attaveqarnerlu annertuumik pingaartinneqarluni suleqatigiinni suleqataaneq
- Tatiginninneq, avitseqatigiittarneq, iliuuseqarasuartarnerlu ukkatarineqarlutik suleqatigiinni suleqataaneq
- Piginnaasatit pingaartinneqarlutik suliat nikerartut, akimortullu
- Isummat nutaat, illarnissarlu inissaqartinneqarlutik ataatsimooqatigiinneq pingaartorsiorfiunngitsoq

Naalakkersuisoqarfik pillugu

Naalakkersuisoqarfik Naalakkersuisut ataanniilluni qitiusumik allaffeqarfirmut ilaavoq, suliassaqarfiillu Meeqqat, Inuusuttut, Inatsisit Atuutsinneqarnerat, Naligiissitaanerlu suliassaqarfigalugit.

Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoq sullisissallugu, siunnersussallugulu kiisalu suliassaqarfiit taakkua sisamat iluini politikikkut suliassat ataqatigiissaassallugit pingaarnertut suliassaraagut. Matumani naligiissitaanermut tunngatillugu politikikkut anguniakkat piviusunngortinneqarnissaat ilanngullugit.

Aqutsisunut Allattoqarfik, Suliassaqarfiit Assigiinngitsut Akornanni Suliniutinut Malittarinninnermullu Immikkoortorta-qarfik kiisalu Inatsisinik atuutsitsinermut immikkoortorta-q aamma Naligiissitaanermut Allaffik Naalakkersuisoqarfimmiipput.

Paasissutissat annertunerusut

Atorfik pillugu paasissutissat annertunerusut allaffimmi pisortamut Ivalu Nørreslet Rex-imut, oqarasuaammut 34 66 84-imut aamma/imaluunniit mailimut: irex@nanoq.gl-imut saaffiginninnikkut pissarsiarineqarsinnaapput. Meeqqanut, Inuusuttunut, Inatsisit

Atuutsinneqarnerannut Naligiissitaanermullu Naalackersuisoqarfik pillugu uani annerusumik paasisaqarit.

Kingusinnerpaamik qinnuteqarfissaq

2026-mi tallimanngornermi septembarip 18-iat kingusinnerpaamik qinnuteqarfissaavoq. Kingusinnerpaamik qinnuteqarfissaq qaangiunniariartoq atorfinitsitsinissamut atatillugu oqaloqatiginninnerit ingerlanneqassasut naatsorsuutigineqarpoq.

2026-mi oktobarip aallaqqaataa atorfiniffissaavoq, imaluunniit isumaqatigiissuteqarnikkut piaarnerpaamik.

Aningaasarsiatigut atorfinitsitaanermilu atugassarititaasut

Namminersorlutik Oqartussat, isumaqatiginninniarsinnaatitaallunilu peqatigiiffiup akornanni isumaqatigiissutit atorfininnermi atuuttut naapertorlugit akissarsiat, atorfininnermilu atugassarititaasut inissinneqassapput, matumani atorfininnermi soraarnermilu angalasinnaatitaaneq, pigisallu assartorneqarsinnaanerit ilanngullugit. Piffissaq suliffiusussa sapaatip akunneranut akunnerit 40-pput.

Ineqarneq

Atorfimmut atatillugu inissaqartitsisoqanngilaq. Qinnuteqartoq Namminersorlutik Oqartussani atorfeqarnini aqputigalugu ineqareersimappat, atorfimmut atatillugu inimiinigiinnarsinnaatitaanini pigiinnassavaa. Atorfimmut atatillugu inissiaq atorfinitsitaanermut atavoq, atorfeqarunnaarnermilu qimanneqassalluni.

Qinnuteqaat, CV, ilinniarsimanermut aamma pikkorissarsimanermut uppersarsaatit kiisalu paasissutissat allat naleqquttut, "Qinnuteqaat nassiuguk" toorneratigut nassiutikkat. Qinnuteqaatinik mailikkut tigusineq ajorpugut.

Naalackersuisut pillugit

Unammillernartunik suliaqarusukkuit, sulinerillu aqputigalugu ulluinnaat sunnuteqarfigerusullugillu siunissamik ilusilersueqataarusukkuit, taava Namminersorlutik Oqartussani atorfik ilinnut naleqquppoq.

Annertuumik akisussaassuseqarneq naatsorsuutigaarput, suliatigullu piginnaasaqarneq, misissueqqissaarnermillu periuseqarneq kiisalu allannagornernut sulisut piareersimanissaat pingaartippagut. Taassuma saniatigut ulluinnarnik aqqissuussisinnaassuseqarnerit, tamallu isiginnissuteqarsinnaanerit pingaaruteqarpoq. Namminersorlutik Oqartussat Qitiusumik Allaffeqarfeqarpoq, naalackersuisoqarfinnut arlalinnut kiisalu immikkoortotaqarfippaalunnut agguataarsimasunik 650-it sinnerlugit sulisulik. Katilluta inuit 2500-t sinnerlugit Namminersorlutik Oqartussanut attuumassuteqarpugut. Politikkikkut aalajangiinissami Naalackersuisut tunngavissaqarluarnissaat qulakkiissallugu kiisalu politikkikkut aalajangiinerit piviusunngortissallugit Qitiusumik Allaffeqarfiup suliassaraa.

Namminersorlutik Oqartussat pillugit <http://www.naalackersuisut.gl/job-imi> annertunerusumik paasisaqarsinnaavutit.